

## 第一部分

### 一、句讀題：佔 10 分

正確謄抄題目之文字，並加上新式標點符號（包括《》、〈〉、「」及私名號等）。

史記漢書叔孫通傳皆云爲縣蕞野外習之章昭云引繩爲縣立表爲蕞蕞卽蕞也詳艸部凡環市爲營營疊韻左氏傳子產曰山川之神則水旱癘疫之災於是乎禱之日月星辰之神則雪霜風雨之不時於是乎禱之許與鄭司農周禮注引皆先日月星辰與今本不同也（段玉裁《說文解字注》第一篇上）

### 二、翻譯暨簡答題：佔 15 分（翻譯 12 分，簡答 3 分）

- 1、請將下列一段文字翻譯為白話文，譯文須有新式標點。
- 2、扼要說明本段文字之大意。

今我告爾以老歸爾以事將閒居以安性覃思以終業自非拜國君之命問族親之憂展敬墳墓觀省野物胡嘗扶杖出門乎家事大小汝一承之咨爾兢兢一夫曾無同生相依其勗求君子之道研鑽勿替敬慎威儀以近有德顯譽成於僚友德行立於己志若致聲稱亦有榮於所生可不深念邪可不深念邪吾雖無緋冕之緒頗有讓爵之高自樂以論贊之功庶不遺後人之羞末所憤憤者徒以亡親墳壟未成所好群書率皆腐敝不得於禮堂寫定傳與其人日西方暮其可圖乎家今差多於昔勤力務時無恤飢寒菲飲食薄衣服節夫二者尚令吾寡恨若忽忘不識亦已焉哉（鄭玄《戒子益恩書》）

## 第二部分

### 一、句讀暨簡答題：佔 15 分（標明題號，除引文外不必抄題）

- 1、句讀：正確謄抄下列文字（宜留意字距及行距），加上適當的新式標點符號（包括引號「」、私名號\_\_\_\_、書名號《》、篇名號〈〉等）（佔 11 分）

東門之楊其葉泃泃昏以為期明星煌煌（詩陳風東門之楊）

毛以秋冬為昏之正時故云男女失時不逮秋冬也秋冬為昏無正文也邶風云士如歸妻迨冰未泮知迎妻之禮當在冰泮之前荀卿書云霜降逆女冰泮殺止霜降九月也冰泮二月也然則荀卿之意自九月至於正月於禮皆可為昏荀在焚書之前必當有所憑據毛公親事荀卿故亦以為秋冬家語云羣生閉藏為陰而為化育之始故聖人以合男女窮天數也霜降而婦功成嫁娶者行焉冰泮而農業起昏禮殺於此家語出自孔家毛氏或見其事故依用焉地官媒氏云仲春之月令會男女於是時也奔者不禁唯謂三十之男二十之女所以蕃育人民特令以仲春會耳其男未三十女未二十者皆用秋冬不得用仲春也（唐孔穎達毛詩正義）

見背面

2、簡答：扼要敘述上文毛《傳》之昏期主張及相關文獻佐證。(佔4分)

二、簡答暨摘要題：佔10分(標明題號，不必抄題)

余久不作詩而好讀詩每夜分輒取古人名篇高聲朗誦用以自娛今年亦當間作二三首與爾曹相和答仿蘇氏父子之例爾之才思能古雅而不能雄駿大約宜作五言而不宜作七言余所選十八家詩凡十厚冊在家中此次可交來丁帶至營中爾要讀古詩漢魏六朝取余所選曹阮陶謝鮑謝六家專心讀之必與爾性質相近至於開拓心胸擴充氣魄窮極變態則非唐之李杜韓白宋金之蘇黃陸元八家不足以盡天下古今之奇觀爾之質性雖與八家者不相近而要不可不將此八人之集悉心研究一番實六經外之巨制文字中之尤物也爾於小學粗有所得深用為慰欲讀周漢古書非明於小學無可問津余於道光末年始好高郵王氏父子之說從事戎行未能卒業冀爾竟其緒耳(清曾國藩家書)

1、簡答：上文所敘「曹阮陶謝鮑謝」、「李杜韓白」、「蘇黃陸元」、「高郵王氏父子」各指何人？試依序逐一寫明其姓名(每一引號完全答對者各得1分)。(佔4分)

2、摘要：試以語體文分條扼要闡述上文論及的學詩之道。(佔6分)

試題隨卷繳回